

Datum i vrijeme procedure:

Šta je gastroskopiya?

Važna napomena:

- Prije procedure ne konzumirati hranu najmanje 8 sati!
- Prije procedure ne unositi tečnost najmanje 4 sata!



ASA[®] BOLNICA

ASA BOLNICA

Adresa: Džemala Bijedića 127, 71 000 Sarajevo
Besplatni broj za pozive iz BiH: 0800 222 55

GSM,   : +387 61 065 333

Email: gastro@asabolnica.ba
www.asabolnica.ba



ASA[®] BOLNICA

Gastroskopija (gornja endoskopija) je postupak koji ljekaru omogućava potpun pregled sluznice gornjeg dijela probavnog sistema (jednjak, želudac i dvanaestopalačno crijevo).

Kod kojih simptoma i stanja se radi gastroskopija?

- Intenzivan/tup i neobjašnjiv bol u gornjem trbuhu,
- Uporna mučnina i povraćanje,
- Uporna žgaravica,
- Kod povraćanja krvi (svijetla krv ili poput taloga crne kafe),
- Otežano ili bolno gutanje,
- Dugotrajni proljev,
- Kod nenamjernog gubitka tjelesne težine,
- Kod manjka željeza u krvi,
- Kada pacijent proguta neki predmet, a koji se može izvaditi endoskopom,
- Kada pacijent ima neko oboljenje koje treba endoskopski pratiti (Barretov jednjak, čir na želucu, polipi, tumor...),
- Ukoliko neke pretrage pokazuju neophodnost endoskopije (neki laboratorijski nalazi, rendgenski snimak pluća ili trbuha, CT, magnetna rezonanca, ...).

Šta treba da uradite prije gastroskopije?

Prije endoskopije ne smijete ništa jesti i piti najmanje osam sati prije planirane gastroskopije i morate prestati sa uzimanjem svih lijekova, ako ih koristite. Prije gastroskopije dobit ćete da potpišete saglasnost za proceduru i eventualne komplikacije koja je dio uobičajenog protokola.

Šta se dešava za vrijeme gastroskopije?

Tok gastroskopije zavisi da li ste saglasni za gastroskopiju sa uspavlivanjem (analgo-sedacija uz prisustvo anesteziologa) ili ćete uraditi pretragu u budnom i svjesnom stanju.

Ukoliko ste se odlučili za uspavljanje, anesteziolog će Vam dati sredstvo za spavanje i opuštanje kroz Vašu venu. Ova metoda je skoro bezopasna i vrlo komforna za pacijenta i ljekara koji radi gastroskopiju. Nećete osjetiti nikakvu bol, nelagodu i neprijatnost, a nakon buđenja možete ići brzo kući.

Ako niste saglasni za uspavljanje tada će Vam se dati sprej u usta koji će samo smanjiti nelagodu prolaska instrumenta kroz grlo. Sestra će Vam dati i štitičnik za zube. Gastroskopija bez uspavljanja je za većinu pacijenata podnošljiva iako procedura može trajati 5 do 15 minuta. Većina pacijenta se žali na

neugodnost, otežano disanje, bol u trbuhu, napuhanost želuca, uznemirenost, ali je procedura potpuno bezbjedna.

Tokom gastroskopije Vaš ljekar će sa stopostotnom sigurnošću preko kamere vidjeti sve eventualne promjene na jednjaku, želucu i dvanaestopalačnom crijevu. Tokom endoskopije se nekada moraju bezbolno uzeti biopsije promjena na sluznici (mali uzorci tkiva koje patolog naknadno pregleda sa mikroskopom). Tokom endoskopije se može zaustaviti krvarenje, vaditi predmeti koji su slučajno/namjerno progutani, širiti suženja na jednjaku, te pratiti ranije dijagnostikovana oboljenja.

Nakon gastroskopije

Ukoliko ste uradili bezbolno gastroskopiju (uspavani uz pomoć anesteziologa), tada se predlaže da mirujete oko sat nakon procedure u ambulanti i da ne vozite odmah Vaš auto. Na planirane obaveze možete ići za nekoliko sati ili sutra.

Ako ste uradili gastroskopiju u budnom stanju nije potrebno mirovanje i sve svoje planirane aktivnosti možete raditi brzo nakon procedure.

Ne preporučuje se da jedete i pušite najmanje sat nakon gastroskopije.

Komplikacije nakon gastroskopije

Generalno, gastroskopija je vrlo sigurna procedura. Ipak, u vrlo malom procentu se mogu desiti nepredviđene i neželjene komplikacije radi samog izvođenja procedure, pacijentovog stanja ili radi anestezije.

Najčešće prateće smetnje su grebanje u grlu i nadutost nakon gastroskopije koje nestaju nakon nekoliko sati.

Ozbiljne i vrlo rijetke komplikacije nakon gastroskopije su:

- Uporna mučnina i povraćanje kao i povraćanje svijetle krvi ili tamnog sadržaja koji liči na talog crne kafe,
- Crna stolica poput katrana,
- Bol u gornjem trbuhu koja se pojačava, a praćena je nadimanjem i grčevima,
- Povišena temperatura ili alergijska reakcija.

Ukoliko ste primjetili navedene rijetke komplikacije morate se odmah (bez odlaganja i čekanja) javiti u nadležnu medicinsku ustanovu u bilo koje doba dana ili noći.